

琴

隱

園

詩

集

琴隱園詩集卷十

武進 湯貽汾 雨生

南塞集

丁丑

年四十一起廣州至桂林浮湘由楚豫燕出塞至靈邱赴廣靈雲中太原還靈邱至代州還靈邱止

劉心香

士蔡

明府豐湖送別圖

白鶴峯前花亂開種花人去幾時來
劉郎不用胡麻餞只飲豐湖水一杯

裏湖樓閣外湖亭三尺詩碑到眼青
杜宇一聲春又晚朝雲墓上雨冥冥

書儀墨農芳草詩後

極目長亭復短亭春風野火徧郊坰
等閒不與王孫見青

到青山分外青

誰見開門欵段過空教紫陌畫輪多憑將一掬唐衢淚洒
向平原化綠波

羊城諸友兼集方外二十餘人餞予於白雲山之雲
泉山館各以書畫見貽別後卻寄

最好雲泉餞別圖

圖者謝退谷黃香石張墨池儀墨農釋淡菴

青猿白鶴笑相

扶玉堂仙客開驪唱

劉樸石謝澧浦兩太史

紫府真人勸酒壺

江濂禱王

越塵兩鍊師

塞北風霜愁病骨嶺南方外亦名儒就中只少張

安道

張南山孝廉

看榜春明憶我無

新築林亭白板扉別來魂夢尙依依青山一失高前屐匹
馬誰同短後衣蘇武城頭峯北斷越王臺上雁南飛八年

幾酌雲泉洒從此安期會面稀

憶羅浮

半月黃冠雅足誇葛仙教我服丹霞也知感舊如尋夢祇
覺相思勝憶家方外書傳詩弟子山中人訪畫梅花予在羅浮
畫梅最多誰拚琴筑泉邊耳去聽霜關雪嶺笳

端州

七年思作鼎湖遊今日相逢又掉頭一事偏能學鮑老未
曾攜硯出端州

梧州

一碧空濛雨後山蒼梧城郭水雲閒灘師得醉晴移舵人
至此例延熟悉灘路津吏私人夜放關生計雪鹽爭肉伯

繁華歌舫會魚蠻星巖遊後遊何處蠟屐今朝可惜閒

黃龍灘

扁舟每與睡相宜失卻峯巒幾處奇忽聽一聲行不得黃龍灘上雨來時

灘江舟中

三百灘中煙雨靄青山如畫晚尤佳捕魚舟小同鳧浴牽纜人多似雁排富貴不嫌遊客老江湖每與病妻偕征途萬里行方始且遂生平攬勝懷

桂林晤峻欽

太息相逢病瘦身聯牀重與話鱸莼慈親悲喜連宵夢弱妹音書萬里塵兄弟總諳貧宦味兒童都作壯遊人但期

姜被重溫處見面休驚白髮新

遊招隱山遂窮六洞之勝

最喜連朝屐齒勤桂林奇勝不虛聞幾能地主逢難弟先
被山靈識細君內子先一日遊此丹碧曲開巖際寺青黃圖出洞
中雲一方蒼玉玲瓏盡獨自尋幽到夕曛

蔣耕侶小紅雪樓圖

十年蔣詡在天涯今日知君尙有家三世交俱託文字千
秋人解說梅花樓前白鶴都名士畫裏青山識阿爺絕憶
開元多舊曲幾時爲我按紅牙謂心餘先生紅雪樓樂府

題芸甫水部城南春興圖卽以畱別

城南淑景無人知風流水部來尋詩同心喜得二三友一

醉亦作千秋思城南歌紅似潮長春氣撲人腥十丈只應
蘭若似江南翠憶青驄足游賞游賞無人得似君後車滿
載葡萄春但酌詞人與畫史王侯祇作流涎人憶昔逢君
未三十意氣交人一心直眾中揮翰不律飛醉裏看花接
離側十年重晤五羊城城中煙景過神京山公喜作習池
客一日不見書頻廢彈指光陰倏相隔我去梯航偕海客
桂林風雨復逢君見面先貽雙蠟屐伏波洞古雲橫岑壘
綵山高花滿林舊題襟處斜陽遠新濯纓時碧水深平原
十日歡無已愛我情深似灘水一門三絕畫詩贈我頻
教感歎喜片帆高接象山青匆匆欲別杉湖亭亭前別路
萬餘里此後相逢何處萍萍蓬聚散原無準試看遊春圖

畫景畫中知己費相思幾歲紛紛去臺省把君此卷悲年
華賸有詩春興未差腸斷李陵臺上去春風吹夢落君家
又題蘆溝送別圖

客遊不遠不爲壯結交不多那足豪李侯弱冠備侍從射
虎木蘭名譽高玉皇仙吏半君客海內詞人總相識索畫
催詩集曉昏一年幾換重門鐵年來無計避罽塵卻上封
書乞省親到日樓臺開甲第歸時絲管咽芳春明柳色
歸圖畫天上神仙來下界花裏愁將翠袖分馬頭喜受青
山拜青山迢遞送君歸送客紛紛悵夕暉一卷消魂冰雪
淚憑君掬出向天揮長安無日無離別歸去何人蹤可絕
廿年四度趨彤庭滿耳驪歌止復聽同學少年簪組盛別

來無復別時情

五月十八日獨遊棲霞洞

在七星山其洞有三

七星兩度契遊心記別端州又桂林

肇慶有七星巖

三洞神仙爭

地主一天風雨出高吟征人歲月無寒暑絕徼林泉自古

今最惜石湖遊興淺九疑通處未搜尋

桂海虞衡志云北行多歧遊者恐迷

途不敢進云通九疑也

飲李春湖副憲宅

竹院荷亭煙景明杉湖新築好詩城一聲白鶴從天下十
笏青山對酒生簪紱是誰娛老物林園起我故鄉情黃梅
瘴裏匆匆別惆悵隴沙萬里行

興安分水亭

一脈清泉出海陽

山名去亭九十里

半爲灘水半爲湘到來逆境

都能免過此源流識更長古廟僧營龍血食荒亭碑飾吏文章平生慙慣江湖險未信馮夷責瓣香

全州舟中四十初度

全家客路喜相親愧說今朝弧矢辰四十年前誰識我百千秋後可如人肯將愁病貧中味老此詩書畫裏身到眼青山眞壽域

謂湘山

三生果有佛緣因

先太恭人禱於里之長壽菴而生汾

十八伶仃謁帝京翩然十九坐專城西風赤幟三秋颯細雨青氍五夜榮往日襟懷輕富貴而今奔走畏聲名昨宵兄弟傷心別何處潘輿可再迎

六月三日維舟三里隄乘肩輿獨遊乳洞巖

在輿安

駐雲西上是飛霞更到噴雷日景斜

駐雲飛霞噴雷皆洞名

古佛勸

爲三洞主羣仙替種四時花橋欹碧湖通猿鶴碑落丹崖
斷蚓蛇冒暑獨來風雨去孤舟偏道是吾家

花藥山前

花藥山前多白蓮鷓鴣閒臥採蓮船更無一箇看花客滿
地碧波生暝煙

亭亭十五女兒妝立並蓮花一樣長迴雁峯邊重一見不
知人去雁家鄉

過衡山

平生志遊覽如嗜食與色急不擇炎寒勇不擇精力危險
非所虞渴飢無足戚但使一心愜豈憚千里卽言從南海

南往投北嶽北湘江順流下衡嶽接天碧豈有素慕人對
面復輕隔所嗟奇遇徒以小極格高峯七十二峯峯越
吟魄重來詎無時來恐緣又寄船頭屈子家船裏米顛宅
手中岳陽酒脣邊湘竹笛一歌飲一杯老矣江湖客江湖
客老尙豪情詩卷牀頭高一尺五岳終須早徧遊不妨婚
嫁歸來畢

寄峻欽

風雨榕城悵別筵十程吟倦米家船黃梅瘴裏同憐病青
草湖邊乍寄箋鷓鴣不辭雲萬擊蛟龍初喜宅三遷太平
邊將應無事定有新詩付汝編

瀟湘

瀟湘今得見如接古騷人詞賦傷羈旅煙波樂隱淪彈琴
明月上對酒好山親淒絕衡陽雁因風落遠津

湘江漁父辭

湘江漁父葛天民煙水家鄉風月鄰城市生來從未識可
應白鷺是前身

洞庭波靜白蘋秋午夜絲竿帶月收一夢煙波黃葉亂西
風吹過岳陽樓

慣把蓑衣當作妾曉寒沽酒向楓林醉來不辨東西岸一
夜蘆花似雪深

輕帷掩映杜蘭香照水梳頭髮涼結網閑時無底事芙
蓉江上看鴛鴦

相逢呼與醉深卮多恐無魚但有詩卓彥恭過洞庭月下
問有魚否應曰無魚有詩卓喜曰願聞一篇老人鼓棹徐
去高吟曰八十滄浪一釣翁蘆花江上水連空世間多少
乘除事良夜月明收釣筒欲欵乃聲中人不見一聲秋雁
選之不可及矣見夷堅志

過江遲

湘江晚泊

艤棹斜陽裏推篷下釣綸沙鷗行近我白眼似無人湘竹
疏平岸漁歌沒遠津片時吹玉笛煙際出冰輪

湘陰

不知天地外可有古今愁萬里瀟湘客孤燈風雨舟美人
思不見公子倦還遊歌哭胡爲爾汀鷗也白頭

洞庭阻風

醉殺洞庭秋征帆五日留波濤喧客夢風雨沒閑鷗漁父
何如樂蛟龍不識愁白雲招一片飛上岳陽樓

洞庭見雁

塞上迎秋雁相逢在洞庭瘴鄉吾久住兄弟各飄零爾去
書應寄愁來酒獨醒稻粱謀自苦涼月滿前汀

岳陽樓別郡守陳雲樵

遂

巴陵宰陳敬堂

大綱

秋風麋子國落日洞庭湖騷客悲何易仙人醒亦無地傳
連宦雅天闊覺心孤黃鶴齊名在扁舟肯我俱

岳陽樓

仙蹤宦迹總成塵三楚山河接四鄰到此都爲懷古客有
誰還識獨醒人秋晴湘浦明千鷗日落君山會百神魯肅

雲泉山館在羊城之白
雲山頻年探梅於此

秋杪自廣靈之雲中有懷嶺南諸子

何處雲中郡窮邊老病身
客心灰險境酒力薄寒晨野曠
風旋馬山空雪沒人遙思越臺客
黃菊正相親

廣昌道中

千山黃葉下溪流溪上何人共
酒樓卻笑襄陽煙雨癖生
來不會畫清秋

醉中出雁門馬上口號

萬里邊關逐斷鴻蒼茫齒髮欲成翁
未忘索句從三上難
免消愁復一中山驛秋生羌笛
雨關門朝發大旗風呂虔
刀在知何用慚愧生無橫草功

古離別

折柳贈郎行柳絮飄無定郎看柳絮飄還向妝臺近

出紫荆關

笳鼓動高秋西風策紫騮出關人迹絕落日大河流遠宦
逢多病清時漫宴遊天山一片雪怕向鬢邊投

出塞

十三身作羽林兒四十邊城鬢已絲楚練輿臺從古貴吳
鉤霜雪向人悲西風白骨千秋壘北斗朱旗半壁師畱得
毛錐還底事李陵臺上獨題詩

琴隱園詩集卷十終

琴隱園詩集卷十一

武進 湯貽汾 雨生

北塞集

戊寅

年四十一起靈邱至太原大同還靈邱止

王千波

志滌

徵君持螯秋爽圖

爲底烏紗嬾上頭，只愁無蟹有監州。
開門便覺身多事，投老方知世寡儔。
海內何人詩是虎，眼前輸爾醉稱侯。
方山風雨今何夕，不見陶園舊日秋。
陶園君華州故居

一枝亭歌

邊城四月春氣生，仲夏草茁林舒青。
中園十笏徑深窈，藥苗蔬甲何菁菁。
曲闌巧結紅泥亭，亭名一枝因樹成。
上有

太白高冥冥下有瀘水清泠泠太平將士盡耕作放馬入
山驅犢行朝行太白下雨腳鋤犁各勤把暮行瀘水旁黍
黃撲撲禾穰穰都尉無牛并無馬坐臥空亭向原野送薤
常期阮隱賢移花每仗徐卿雅憶昔圖山對面居江亭百
尺春風廬十里桃花一江水朝朝煙艇隨閒漁漁翁一別
無消息花落江亭白鷗惜白鷗飛不到邊城目斷哀鴻一
行直

琴隱園落成與內子置酒日佳臺作

月榭風亭取次成塞垣春色眼前生陪花峭列當窗石借
樹涼枝接屋棚絲竹中年餘綺習詩歌今日入邊聲料無
二仲來相就讀畫彈琴且共卿

許使君借馬行

昔年南庭馬厭穀今我不充藜菟腹錦韉金絡賣與人邊
城雪深難出門三更飛箭元戎檄條到白登天未白是何
飛騎奔絕塵無人知是許使君使君有馬非癖馬霧鬣風
駁識者寡今春假我平肩輿跌落滄河古冰下

新夏與內子飲琴隱園

蝶拍鶯簧柰老何新詞手製惱情魔小紅歌曼風光麗大
白浮頰笑語多時侍女歌予劍人緣傳奇長短吟箋多覆瓿春秋佳日
惜飛梭塞翁幸有閒居福不見沙場倦枕戈

送得春歸始見春羣芳一片錦隨身邊城花發多在夏日南樓老子

多情興西第將軍是俗人佳釀不來投轄客小詩聊付乞

花鄰憑君佳會聯風雅今日眞看是主賓

仲夏自雲中還靈邱得都門親故書

五月桑乾馬踏冰歸來花徑軟扶藤天中麗景江鄉好日
下名場故舊增喜有緘書風落雁豈無歸客飽颺鷹羣公
漫問萊蕪餽日酌葡萄酒一升

孤樹鋪曉行

太白山頭雪千年挂戍樓荒村稀見客老樹易成秋斷雁
三關月行人六月裴江南瓜李熟誰在藕花洲

羌兒獻戟歌

我生多疾疾力不縛一雞強持不律腕底脫戲舞諸蔗神
嫌疲瘦腰久厭赫連重欲換黃犢歸家騎羌兒恂恂何所

持獻我雪戟來青氏自云得自將家子
雍狐孤父無名題
千斤精鐵萬爐火鍛越數代年無稽用兼五兵徹七札硬
軍飛客功力齊上之都尉不求值但免流落埋塗泥噫吁
噉羌兒獻我安用之于今留夏銷兵時英朱袴碧空鏃鏃
去
小兒搬弄拋庭墀戟分戟兮安得明光殿陸龍光接春
深侍從長楊獵蹉跎難作魯陽揮不如且學修蛇蟄

孫蘭垞

貽謨

州尉天際歸舟圖

擊楫中流志已灰故園好在水雲隈與君同是江南客何
事輕隨塞雁來

柳色參差白下門玉簫聲裏換芳春年年翠袖紅樓畔只
見征帆不見人

感懷

雀羅門巷雪深深聽罷朝笳又暮砧
萬里貧官雙短鬢十年舊侶一孤琴
迎賓自倦淵明帶對影何慚伯起金
莫怪同官紛代謝垂楊手種已來禽

重晤孫蘭垞

醉中相見接離斜畫裏青山夢裏家
孫楚樓頭秋又晚布帆依舊在天涯

樓頌

朝遊雁門上暮還樓頌

鮑照句

幼讀明遠詩因之識荒服

乃今宦游至一歲數往復高城雪花勁
寒夜角聲縮道逢游俠兒問我何所欲
寶劍七星文當相割生鹿一笑條出

門揮鞭如鳥速

代州城樓

大漠荒烟接古城南樓極目思縱橫雲連勾注三關迴冰
合滹沱萬馬明酷似郅都堪作吏怯如李牧始知兵何人
食雁同臚膾不動秋風故國情

太白山禱馬辭

侵星吹角開重關溫夷水發人馬喧搖鞭半濟凍雨集盛
夏惻惻禱禴寒南山衆嶽樹側塞陰壑千年乾雪黑羊腸
道旁虎皮壁祠堂陰森伯血食旌竿豔日三丈紅紅毳布
地石撞鐘椎牛燔羊疾如風三百騎士排西東都尉執爵
居當中陳詞獻幣再拜同神來格兮誠可通邊庭無事兵

兼農年年休馬來高峯峯前峯後狼虎凶唯神赫赫威勿
容寒暑不侵疾不攻清泉無竭芻無窮維神赫赫佑我聰
三羸五鴛成驍雄不求麟鬻鳳臆高肉驥九逸十驥八尺
龍但免骨幣碑兀瘦似銅一迺督郵蹶蟻封周才我愧非
張公亭育盡荷神天功嗚呼邊城年荒十常九一馬之費
幾人口長番騎籍無邪羸鬻秭猶難致升斗安能草色無
衰朽人馬終年腹不負方今四境甯雞狗幸免鞭箠損年
壽方圓官字在左右豈比殘軍棄地阜前行後臥各自適
高齟卑鳴不煩守但羣鹿豕無塵氛任汝此中成樂藪嗟
予一生悲伏櫪辛苦飢寒憊空瘠駒踰馭裏恥無功徒步
高歌歸亦得以馬爲事無乃羞馬曹誰知王子猷舉杯酌

酒雲悠悠神前醉倒吟吶嘍一鞭落日青山白牧笛蕭蕭
過馬頭

買馬

卅年髀肉磨出血百十花驄擲銅厯出塞經行萬里程黃
皮韉穿踏不得雁羣不收是誰馬垂頭屹立長城下昨日
新來別短轅明知不是驍騰者鄙夫欣然牽入櫪飼以長
稽數盈把嘆然意足騁步徐圜人輕之笑嘲嘲嗚呼世無
薛公田子方相馬只知驪與黃迴翔合度勝騰蹕爭先安
用追風驟卽今地上豈有真麒麟但有錦幪金絡來驚人

琴隱園漫興

閉門蕭寂許羅禽幽逕唯憑蛺蝶尋四海交游三絕藝卅

年貧賤四知金奚童暖榻晴開卷稚女燈窗夜課琴何暇
更將陶甕運正多花事上春心

唐樊宗師嘗作絳守居園池記王千波

志 滌

幼海志

滌 昆季曾隨其尊人刺絳今幼海復刺其州因作

絳守居園池再賦聯牀之圖屬予題之

有隋良吏正平軌穿泉鼓雖得園始豪王才侯襲奇意記

句涉血盤肝鬪華靡宗師奇寶故好奇昌黎薦宗師書誠不忍奇寶橫棄道

削 文字千言搜棘枳文甚僻澁人罕成誦宋孫冲謂其故欲使人昏迷往往莫辨其理 西

園飛蓋幾楸絕豪木荅繼名不死僧彌法護舊釣游一編

共讀池邊樓趨庭曉帶白濱日間寢夜躡蒼塘秋三十年

來一咽速胡威又典荊州牧竹馬西河疑再來胡牀東郡

追前躅哲兄國士三辟賢柴車不肯行朝天入鴻六際盡
歧路二龍風雨常周旋竹兔杉雞都長大風蟲口鳥多更
代花雨春迴姑射姿吟聲夜出清汾籟玉昆金友世所無
百年姜被無時孤天械羈人獲真福疇能消息咨元夫吾
家阿奴山水窟隔別七年音信缺北叟南翁風馬牛把君
此圖腸斷絕君家聲望自古崇劣猶虎豹優則龍生綃快
寫雙青聽傳之千載人稱榮君不見二陸當年參佐解
三間破屋吟淒風

賣馬

晨呼廐卒至堂下爾行入市賣我馬我馬行步工縱不神
駿非驚庸溽暑嚴寒無病苦骨相亦非不利主邊城無地

堪尋幽終年伏檻同牢囚春風紫陌渺何許苜蓿空憐天
盡頭愛馬豈惜直但慮風塵希賞識賣錢不嫌少要令華
豆長得飽官廚三日無火光我飢則宜爾可傷玉禾醴泉
仙棗脯豈在德力方能當行兮勿回顧漫論重逢無定處
嗚呼承平何事宜騑駟一竿歸去尋扁舟

琴隱園種藥五十二本

一枝亭側垂楊疏日佳臺前紅杏孤劇憐隙地坐廢棄一
雙鴉嘴蓬蒿除南山婪尾最奇豔西舍東鄰齊種遍憑詩
乞取趁秋霖對檻分栽閒濃淡黃鐘私恩當屬爾丈人今
日生歡喜塞上春光爾好爲揚州花譜吾當擬憶昔揚州
數宦遊銷魂日日泛瓊舟白舫青驄一朝隔風鈴寂寞天

涯秋紅絲黃樓白纈子各有聲名在羅綺不愁花笑乞花
憐我老容顏已如此君不見繁卿搜取千萬枝坐令愚庶
相譏訾又不見東武常供七千朵但乞金仙示因果何如
吾園五十二本手自栽一家笑口花前開卻向窮邊消豔
福休從北叟問豐臺

、胡赤簫

梅

屬寫嘲雪圖并題

胡生襟懷若冰雪裏閉門長不出識君風味黨家姬紫
蓋一傾三百月今年相識恆山陰悲歌共印葦鱸心江鄉
荷芰正花發我尙披裘踏雪深邊城飛雪無冬夏暮角朝
笳心膽怕自古沙場戰鬼多袁安臥死終閒暇胡生傲骨
何嶙峋孟郊詩好猶寒貧批風抹月亦已嬾作圖嘲雪真

閑人嗚呼青絲明鏡今如此嘲雪還防雪嘲爾

寄劉月鄰

延期

故人老矣盍歸乎劉毅家貧僦石無長醉那能拋宇宙閑吟也要費工夫青衫白帽清談客翠管紅牙雅集圖回首珠江行樂地木棉花落怨啼鵓

與內子合寫梅

一雙斑管共幽吟昨夜梅妻夢故林誰記西堂烹雪夜膽瓶青案對彈琴

贈朱都尉

應衡

青驄倒載接離偏每笑山公惜酒錢我脫金貂無換處輸君種秫有公田

寄懷董小狂何蕉山

不是何郎與董生，更誰能結歲寒盟。
可憐蔣詡誅茅日，便似姜肱共被情。
周北張南人盡識，盧前王後我何爭。
清談六代餘，騷客白眼千秋亭。
醉名揮翰空論才，倚馬囊琴已歎生。
荆魂銷把酒金陵，市夢斷廐詩鐵甕。
城折軸羊腸鴻雪在，忘年龍尾鬢霜成。
緘愁幾度猶難達，那得身如片紙輕。

題幼子祿名畫

拋書弄筆條千里，意境非常葛洪子。
此童能畫當致名，長王史稱戴安道語。
學到長康癡乃已。

渾源山中

何處脫征騑，茅菴結翠微。風來知有虎，白日閉荆扉。

己卯

年四十二起靈邱全代
州源大同還靈邱止

寄懷羅浮江道士

昨夜羅浮夢，元芝共爾尋。春風吹短衲，飛瀑溼幽琴。不見

亭邊鶴

嘗療鶴酥醪
洞築鶴笑亭

微聞松下吟，醒來誰識得。白髮已蕭

森

寄懷澹菴上人

幾日雲泉館，題詩墨未乾。

君與嶺南諸公，餞予白雲山，之雲泉山館，各以詩畫留別。松

風吹帽落瀑雪對琴寒。方外隣君在，尊前別我難。雁回人

正遠，不寄尺書看。

別塔屹枝田家

渾源東

澹水當門撼夢醒，宿雲先出小茅亭。
幾年壁上煙蘿子，一卷窗前未却經。
春後桃花兼雨白，洒邊山色落衫青。
鞭絲慣作無情別，回首煙村似畫屏。

寄舍弟峻欽岑溪

夢魂猶怕鱖魚灘，今日聞君到此官。
青草瘴中孤鶴瘦，皇華江上萬峯寒。
從來簿尉多吟癖，誰與林泉結古歡。
南北音書動經歲，寒鴻猶自往來難。

暮角城頭雪四圍，烏頭正白我應歸。
更無好馬名長借，學士賜馬名長借予近無馬故云豈有青錢解白飛。
婚畢始游誰不老，功成方隱古還稀。
來年遲爾鍾山曲，萬樹梅花共掩扉。

聞峻欽岑溪代還桂林

藤江一夜雨千灘琴鶴扁舟伴去官手種梅花應憶汝丁
郎山下白雲寒

相思江

在桂林

水味應酸漫把相思淚向彈只恨無情潮上

下不將雙鯉到桑乾

琴隱園松下一石屹立如人勒聽琴二字傍一石几

予詩張琴其間偶成一詩

小園新月挂松林我聽松濤石聽琴石不能言琴亦默一
聲清嘯碧雲深

胡赤簫席上醉歌

成州都尉酒徒耳慣脫黃驄酬綠螳恆山雪夜逢胡生痛
飲狂吟麴生死胡生是我故鄉侶十年落魄投豺虎一聽

陰山勅勒歌翻成絕世琵琶語空堂夜寂歌聲開哀絲豪
竹無人窺攀帷翠袖發光豔一笑自把銀笙吹君姬人吹
笙擊鉢催銀箭忽悵華年鬢如霰我有剗犀三尺鈎爲君
起舞迴飛電電掣風翻燭淚流當筵飛落仇人頭會當與
爾還鄉縣莫對烏頭盡日愁

會仙府

瑤屏輕扣白雲知松下無人獨立遲鸞鶴不曾知去住神
仙何事尙分離西風古樹開熊館細雨荒亭走兔絲笑擘
榴皮畱短句眼前何處問元芝

恒嶽

六月鷓鴣裘長風黑帝秋亂雲奔馬足獨立眾峯頭西壓

崑崙塞東臨十二州得閒窮五嶽便欲訪浮邱

予惟西岳未至

與內子合寫梅

膽瓶春寒非華凍手把瑤琴不能弄三尺籐牋發古香一枝斑管呵相共拈毫相笑更相憐流落人間自珍重一自羅浮挈鮑姑至今同作梅花夢

再題千波幼海昆季絳守居園池再賦連牀圖

樓上烏紗笑並頭園有靜觀樓重來劇憶少年游風亭月榭三

千客花幔茶檣四十秋高節姜肱傾聖主清名伯武世荆州何妨兄弟西河代棠棣碑還此處留

樊子文章永叔詩兼君畫筆得三奇松篁池館聯牀靜桃李瓊筵刻燭蓮二酉長留弓冶業雙丁又屬鳳麟兒披圖

振觸彭城約風雨孤吟鬢有絲

寄峻欽

閩將修先登

官况魚緣竹年光隙過駒幾時丙舍就歸隱卯君俱

東坡詩稱

子由爲卯君以其已卯生予弟癸卯生也

開甌長腰米垂竿巨口鱸漫將邊塞

苦閒話舊黃壚

得峻欽書

塞雁日紛紛高堂正夕曛音書看在手涕淚若逢君醉眼

三湘月吟肩六洞雲

時由皖中浮湘還桂林

夢魂休到此羌笛不堪

聞

贈王生

王生結廬太白下古柏當門似蘭若門裏花深雙蝶黃門

前水淨千山赭生家躬耕五十載披褐銜杯讀山海偶然
相識爲尋秋卻立秋雲笑相待三年漠北悲秋風不知此
地秋非同將秋贈我發秋興雜英碎剪筠籃紅呼童倒盃
斟清醪喚婦入廚具籬黍落葉蕭蕭烏亂啼日斜煙冷忘
歸去成州嗜花惟兩人劉郎家釀輸王生叶誰共重陽還
醉菊風前笑整季倫巾

擬歸白門

納納乾坤落落人幾時能得白鷗馴一船秋冷琴書鶴萬
里身歸老病貧清夢已從天姥別凍烏休望紇干春汝南
耆舊知誰在車服無慙故里鄰

二仲遙憐散若萍

謂小狂
蕉衫

還家淒絕借都亭妻孥總歷羊

腸險花月甯教犀首醒春水鱗魚三月白秋風天闕六朝
青平生游侶焦琴在塵鞅勞勞且暫停

短歌行

吾愛張季鷹及時一杯酒秋風一起歸故鄉不暇功名計
身後男兒骨傲意氣真焉得媿嬰柔竟隨他人功名輝赫
雲過眼壽命奄忽霜消晨天山猿臂四斛力抨弓驚落雙
鵬翼憑高四望絕人烟誰見將軍勇無敵朝脫從事衫暮
乘蓮葉舟江南烟水隨羣鷗且將姓字羊裘隱莫學獼猴
騎土牛

雲中少年行

雲中少年游俠客跨下追風汗流赤腰間赫連萬人敵手

琴隱園詩集卷十一

七

中鵲血四斛力朝下樓煩夕雁門馬蹄過處雲烟黑借問
少年何所爲寒天袴褶霜風開青絲白氎誰家子千金置
酒臨高臺臨高臺紛竹肉臺下嗚嗚悲擊筑時平不用頗
與牧虛牝黃金白日速

塞上秋夜得嶺南故人書

牀頭漉酒葛中香手種秋英兩度黃那復年年招舊雨還
同日日作重陽東坡江月詩引云嶺南氣候不常吾嘗云
菊花開日乃重陽涼天佳月卽中秋不須
以日月爲斷也小紅歌罷鳥啼月太白山名雲開雁度霜忽報詩筒
來萬里夢魂一夜到扶桑

琴隱園詩集卷十一終

琴隱園詩集卷十二

武進 湯貽汾 雨生

北塞集

庚辰

年四十三起靈邱至大同太原應州再至大同廣靈西甯陽高出得勝口至豐鎮入拒牆口三至大同還靈邱止

題畫寄南山

突兀青山見眼前松亭竹逕亦蕭然
閒居自愛淵明醉添寫常門種秫田

抱琴歸去夕陽收落葉蕭蕭打杖頭
忽憶雲泉棲隱客巖扉一樣對清流

白題探梅小景

記到羅浮已五年舊游都在白雲邊平生愛著顏訐衲林
下人疑是散仙

到眼青山似客孤十年無處住林逋能將一片頭顱雪化
作梅花萬點無

赤簫謫居恆山之陰十年矣屬作夢鷗圖以寄鄉思

爲題一詩

君上
海人

豈是名山愛客狂十年不肯放還鄉赦書已動州前鼓閨
夢猶探海上羊入口千尊都化淚到頭兩鬢欲成霜昔時
鷗鷺知誰在爲爾歸尋舊草堂

予求領舟師
將游海上

寄董梅亭

純武

平定

董儼常留半夜名紅燈綠酒聽吹笙

陳象輿董儼時人稱
爲陳三更董半夜見

王君玉談苑梅亭喜
長夜之飲故以况之
自從妬女祠邊住
桃葉春來不敢迎

君姬人在予署

自題山水畫冊

胸中塊磊底難平
悟徹雲烟變幻情
差喜近來能學默
吟詩也自愛無聲

日畫青山一幅看
買山容易住山難
此身只合烟波老
還我江湖舊釣竿

雲中

溷睨遙連大漠長
雲中自古戰塵黃
千羣鐵騎三秋角
萬戶金縉五夜霜
得失此身真似馬
勳名幾輩不如羊
時平骨相休空論
猿臂原輪醉尉強

入關三日喜見杏花楊柳

三年塞北不知春，忽喜春光到眼新。
卻憶江南此時節，落花飛絮正愁人。

陽明堡送尙都尉安之保德軍

銜杯無語奈何情，同是孤鴻不共程。
願逐楊花送君去，春風肯到定羌城。

應州木塔

高三十六丈，圍半之六，檐八角，上下皆巨木爲之。

龍沙千里望中收，秋色西來萬古愁。
不聽塔鈴長自語，無人得似李雄州。
談苑：李允則守雄州，敵民錢起浮圖，卽時飛謗至汴。真宗遣中人密諭之，允則曰：某非留心釋氏實爲邊地起望樓耳。

祝髮三千說道宗

塔建自遼清甯二年，遼史載道宗尙佛敎一歲，飯僧至三十六萬，一日祝髮全

三千人 金城奇跡訝神工 嗜奇猶憶明天子 新轉頭銜晉上公
塔有明武宗御題天下奇觀額武宗應州戰捷降勅總督軍務威武大將軍總兵官朱壽剿寇有功宜特加公爵制下舉

朝大駭

贈應州尉吳在咸 秉義

陰館春寒朔風起

應本唐金城縣按金城縣地理志又卽漢應館縣地 驕驄曉涉渾

河水城烟濃截窄堵波金碧迎看五十里郭門獨樹開居

停侵檐山色檐榆青瓦盆土鏗勸馬漣鹵饌不適腸空鳴

朝來一朶忽飛至金城仙尉吳筠裔把臂蒹鱸共一心萬

錢快贖南烹味黃花岡上花無春清水河頭水自渾十年

塞北亦已老同來骨肉無多存君家大阮眞達者 山尊早

歲抽簪致瀟灑全椒山中風雨秋一尊幾日聯風雅尊前

更憶平山游米顛潔癖同盟鷗

訥齋令叔有潔癖已下世數年矣

黃墟寂

冥暗愁絕天上誰聞白玉樓雁門幾遇江南客相識偏遲
別偏急明日沙陀馬上吟思君不異江南憶君不見同官
亦有趙與秦鄉音雖好情非親秋來定擬隨鴻雁萬里歸
尋舊水雲

雲中道上遇大風

狂風挾腥塵遠自桑乾北趨林抹墟隴倏至馬頭黑我馬
怯反奔尾逼勢欲踏不如突風過努力與之敵頭傾學鹿
鬪作勢不敢直翩然一笠氈若盾遇矢石手揮三尺鞭閉
目屏聲息雙腋雷霆攻兩耳沙礫塞身旋愁化雀力盡懼
退鷓有如滄海洵一葉洪濤逆忽然天宇靜四望巖巒寂

片雲何獨閒冉冉當空碧方今號令明祥和徧邦國百靈
共恬熙跋扈訝箕伯此地古戰場怨氣恐所積不然虎變
威抑或鵬搏力豈櫻山鬼怒欲致葛元阼我行窮朔漠肌
肉積塵赤朝餐齧冰雪暮宿藉苦燮道旁鳥攫肉辛苦復
誰識幸蒙蒼昊憐一意震心魄安得甯我身披襟當快適

靈邱人弋一物肉翅似蝙蝠而方尾重尺許謂之飛

鼠玉篇鼯鼠飛生爾雅注鼯鼠飛且乳亦謂之飛
生食烟火能從高赴下不能從下上高一名夷由
正韻謂卽五技鼠孫卿子鼯鼠五技而窮是也而
說文亦以鼯鼠爲五技謂能飛不能過屋能緣不
能窮木能游不能渡谷能穴不能掩身能走不能

先人蔡邕勸學篇亦云碩鼠五能不成一技本草
鼯鼠一名碩鼠爾雅疏蔡邕以鼯鼠爲螻蛄本草
亦云螻蛄一名碩鼠謂螻蛄雄者善鳴而飛雌者
腹大羽小不善飛喜就燈火埤雅謂鼯鼠一名雀
鼠然則曰鼯曰飛生曰夷由曰五技曰鼯曰碩曰
螻蛄曰雀鼠殆卽一物也又嘗讀江休復鄰幾雜
誌云司馬君實侍先君知鳳翔府竹園中得物如
蝙蝠巨如大鷗莫有識者自山西來者云此鼯鼠
也一名飛生而生子每欲飛則緣樹至顛能下不
能高然則山西固多產是物而山西人所以識之
也自古文人喜用之如藝文晨鼯曉吟則百嶺齊

應馬融笛賦鼯鼠夜叫皎然塔銘寒鼯斷續謝朓
詩鼯鼯此夜啼杜甫抨弓落狢鼯李白鼯鼯嘖呻
韓愈廟閑鼯鼠叫張籍山鼯竹裏啼蘇軾磨鼯號
古戍陸游鼯鼯觸暗燈不可枚舉予今日始見之
爰誌以詩

一生難免是寒饑似爾行藏世所稀
依舊聲名齊鼠輩不應容易便雄飛

戲題自畫山水

米老從來不愛晴畫山最怕是分明
近來識得分明害又覺糲糊學不成

四月十八日對雪

窗峯忽相失，檐鳥復何處。昨日柳條青，今朝忽飛絮。本來
車馬稀，門外更無路。欲貰一斗酒，鸚鵡未拚去。三年苦寒
客，長誦東歸句。孟德苦寒行
思欲一東歸孰知星紀中，三白兼昏曙。江
南梅欲熟，亦復陰晴互。琴書潤牀几，櫻筍愜親故。豈圖天
山獵得失，計狐兔玉關亦人寰。太皞乃不顧，炎涼各所值。
眞宰休輕訴。

日佳臺東內子

昨宵待明月，攜手上高臺。今夜月先在，如何人未來。

琴隱園卽事

雨晴眾綠齊，亭榭半藏露。園空忽深窈，笑語不知處。飯餘
臥成課，衙散吟爲務。日長誰至門，鶯燕自來去。

躡柳歌五日李成九廣文席上作

成九沁源人其俗以五日遊讌謂之躡柳文昌雜錄軍中以端午走馬謂之躡柳躡音札蓋事殊而名則古矣作歌誌之

臂綵釵符逐兒女節物驚心又重午李侯官冷豪氣存烹
薦菹蒲集新雨銅鞮山色闕與樹搔首青天在何許客遊
遠近縱殊趣同是羈人孰賓主君言佳日樽難空八鴻九
垓俗不同陽城躡柳古遺習此樂不獨傳軍戎豪家管絃
晝兼夜市上行人醉相藉纔看驄馬絕飛塵又見香車散
蘭麝自沾寸祿北出關一心清激思琴泉在沁源鏡中霜雪
速時序但向瓊舟酒器猶故山我聞此言發悲哽畫鼓朱旗

斷形影瑤津水馬夢中看一樣鄉情各深省與君三歲結
比鄰光庭日日遊陽春多君亦作馬羈客老杜詩朋來坐馬羈不厭
龕官長賤貧貧交且共糟邱度莫被渴羌閒笑去眼底誰
貽孔奕泉狂來豈擇劉潛醋紛紛方麴揮香羅玉弓射粉
誰人多槐西落日良辰過爲君翻作躡柳歌明歲相逢定
何處當筵蒲劍共摩挲

列岫軒卽席兼別劉處士

千峯簇屋逕深斜萬綠圍春鳥語譁但把一經通種樹卻
教滿縣飽看花羣童慣逐山公馬小吏頻汗丙吉車自遇
知音劉白墮無閒擁被放朝衙

一回花發一相思讀盡能文尙幾時不速來同鄰蝶易獨

閒歸比暮雲，遲青山入夜如逃。酒明月依人，欲乞詩醉墨。
聊存鴻雪證別情，多恐柳條知。

喜赤簫見過

洞庭張樂寂，魚龍萬里輕。攜古樊桐野鶴，忽隨松月至羣。
山不放酒樽空，十年老將幽燕氣。一片旗亭楊柳風，并入
吟髭腸斷絕。漫勞海內許詩雄。見題拙集有海內真詩
將人聞老醉侯之句

琴隱園作

青山一桁對蓬廬，且喜官閒似隱居。聽婢頻歌新製曲，與
兒分錄借看書。清泉曉沃霜前菊，白飯秋供雨後蔬。自是
無閒長運甓，近來身健學攜鋤。

題畫梅

自別梅花斷冷吟十年無處抱瑤琴
昨宵又作飛仙夢鶴笑亭邊壁萬尋

宛轉歌

墳墓生荆棘千秋萬歲誰人知
斗酒相娛樂風清月白今何時
歌宛轉宛轉不相離妾是手中琴
郎爲琴上絲

琴隱園聽婢度曲

空亭翠色映雲鬢盡把愁心付小蠻
漫撚花枝低障面牆頭窺汝是青山

芳草天涯春又過朝雲掩袖泪痕多

朝雲歌東坡詞枝上柳絲吹又少天涯何

處無芳草

年來漸習幽燕氣聽學陰山敕勒歌

輒淚下

祈雨宿城南古廟作

南山虎入潭北山毒出金靈廣百里間旱澇歧如許

廣靈久雨

豈皆時運會其責非守土邊毗拙耕作沙磧艱稔黍又無

川與陂用代天功補不堪十日晴况失三時雨

靈邱無水利十日不

兩卽旱蛇醫亦何靈異術本無取有司自愛民安在居鼎俎

唐風向餘儉骨肉慳取予勸分此其務今日宜卽舉庶乎

饑不害免致鬻牛牯齋壇三宿憂欹枕向誰語名題曾閣

蘇東坡嘗購雨礮詩憶郴州愈

昌黎有郴州禱雨詩

吾官豈旱毋無

力驅耕父一歌伏龍起再祝商羊舞移書王使君且莫嗟

巢鼠願貨黑蜮誅投畀來吾所

王大令竹舫利亨邀同兒子綬名遊壺山卽贈

廣靈城東

南里許下有大池接壺河極亭榭之勝又名小方壺

方壺好風景况喜遇知音相對成終日清談屬古琴

時三

張一琴相與酬和

泉聲涼出檻峯影壓空林山好難爲主官貧自

愛吟明年攜鶴子返我舊松岑回首逢君處千秋風雨心

廣靈北山

北山好叢薄蔽路何蕭慘梢雲適天籟積翠延幽禽山居
人事閒閉戶寒森森亦攜白木鏡陞嘯剛苔蔘苦無翁子

斤槎槩橫相侵豈知此山腹有寶紛埋沉磊落璞如礬其

社稱黑金

東坡石炭詩豈料山中有遺寶磊落如礬萬車炭礬黑玉也清異錄廬山白鹿洞遊士輻輳每

冬寒藏金市烏薪爲

或疑媯皇餘兼補地軸深又疑司寒

主所藏恆固陰地近元都元人似黔雷黔孱兒皆五丁瘖

谷窮千尋作下駭行路碎匄壯音

夏侯湛賦壯音于天上吟詠如

西涼夷百條同賚琛

天寶遺事西涼國進炭百條青色堅硬如鐵名曰瑞炭

取餘用

之徧生滅無古今常嗤焦孝然濟人徒苦心更憐朱隱士

齒足疲高岑

朱百年以樵爲業人稱朱隱士見宋隱逸傳

茲巖有爛柯無客珍

焦琴只防釜甌虛不見連旬霏空山愁煮木惆悵此喬林

漢食貨志煮木爲醪

西甯與綬名涉桑乾

今年七度涉桑乾

大同五懷仁一今第七

今涉桑乾波更寬幾許臨

流舟楫意此時纔教爾知難

陽高道中寄懷特將軍

松阿

屈指幽屏將惟君老更雄三關新白髮百戰舊黃驄視我

如昆弟揮毫疾雨風

善書

懸知邀客騎日在樺門東

樺門屬新平路

予奉牒行邊應由樺門至新
平今取道陽高特尙未知也

七月十六日自揣骨曠

西甯縣南

冒暑至一吐泉僧舍小

憇更行十里得碧坡就山陰避暑牧馬夜行至東

雙寨宿

三載窮邊畏霜雪不知暑虐焦皮骨道無楊柳山無松赤
日灼人何處脫泉枯澗涸人馬渴雲影飛來但愁失半程
差喜得茅庵拂拭衣衫臥碑碣老僧無言冷于鐵門外何
曾見塵闌一杯苦薩泉時濟道旁喝出門空憶清涼佛重
向荒山鬪炎魃前鬪汗赤後騎吁烏巾角折鞵皮裂不期
屈指盡三庚

昨日伏盡

翻覺當頭生十日陰崖歇馬呼清風牧

散樵歸不肯發夜行不識路南北覩星月深山無人但狼

虎黑暗空將頑石叱似隔疏林有燈火近前不見青燐滅
嶺頭參斗淡欲無馬足溪泉流不絕忽聞犬吠識墟落欲
往從之在巖窟呼人試問空谷墮投宿還須此山出一嶺
百盤旋十步九顛歷有如歸客望鄉關何異棲鳥覓林樾
露濃月落始到門風起燈昏發寒慄

十七日自東雙寨冒雨至高陽縣晤向大都尉卽北

抵長城宿守口堡

陽高鴻鹵地曉雨斷行路

雙寨沙鹵尤甚
居人賣鹵爲業

一時十騎共還

瀟馬蹶人驚不相顧野老相憐呼左左出坎欣如釋沉痼

南沙北沙屹相向虎耳虎頭聊識狀

南沙北沙虎耳
虎頭皆山名

席帽

翻翻瀉長溜山色誰能舉頭望高城何崕嶢當天吹角迴

商飈時平歲豐牛馬賤靜與鴉鵲爭場苗前朝九鎮三節

府陽和最當敵門戶牙兵部騎三千人只聽轅門槌大鼓

明宣大總督初駐朔州嘉靖甲辰移陽和赫督標左右兩營兵三千築場六百步種柳千萬

株教場明總督王懷棘所闢縱橫六百步規制甚雄諺云陽和教場蔚州城牆王家屏有碑記負蘭抱

弩亦雄盛長城傾倒誰人扶向侯老戎馬醉臥白登古臺

下安危故是九牛毛昔日戰場今廣廈與君同是羽林兒

都尉亦世襲拖沙喇哈番相逢血泪難禁垂少年各努力吾輩豈是搆

牀龜別君去上單于臺明朝會跨龍媒來單于臺在豐鎮西北予將至豐

鎮市馬

白登

斜陽驅馬白登城羌笛能傳萬古情漢帝存亡天早定莫

將奇計論陳平

十八日自守口歷鎮宏鎮邊鎮川三堡宿古廟作

長城無盡處我行無已時十里或五里喉火明參差

所至
候卒

舉鎗爲號窟室似蠟蠟往來只狐狸行經幾城壘寂無犬與雞
但聞角聲悲又見風吹旗少年慕遠遊半老投邊陲時平
賤戎馬詆挫憐微卑豈知邊塞士如此其寒飢竊祿三十
年回首慚輕肥

古廟讀殘碑名字干熊虎五堡舊藩籬數世爭門戶

鎮邊
鎮川

宏賜鎮魯鎮河爲五堡明嘉靖間築巡撫蔡天祐曰宏賜
五堡爲雲中腹背之地北逼沙漠南翼鎮城東亘陽和西
連左衛三面開耕一面控禦豈無豪傑人俱作長城土早知今日閒可

惜從前苦北斗在我南我行向何許夜深倚檐立嗚咽聞

鬼語蕭寥不成寐念此感羈旅羈旅猶可悲生死况難去
何地無兵戈偏此傷千古

出得勝口

萬里平沙馬足寬老莎如鏃雨潛潛鎮羌城外行人少七
月飛鴻盡入關

出長城馬上憶弟

馳馬出長城馬嘶人跡絕回首淚縱橫念我骨與血弟猶
瘴癘鄉兄越長城窟萬里不相聞鴻雁何能達片雲飛向
南風吹一時失之子豈見之舉頭空落日日落或同看陰
晴又難一

豐鎮觀馬市歌

鬪雞臺北盤羊西

臺在得勝口外望奚山眼中青海與月盤羊山名在鎮川口外

支騅駉駟駘駟騏沙平草軟十萬蹄穹廬月落光熹微

點點草頭同斂棋碧眼赤髯環不離黃皮靴闊羶裘肥鞍

羈精鐵元熊皮翻身上馬作馬嘶一人馬前作奔敵萬馬

飛逐雲烟移一人殿後長竿提口中馬語無人知天明霜

露猶未晞塵埃已塞谷與蹊前羣上橋後羣繼

上市謂萬橋之上

駃飛擊蹄聲齊橋姚但用谷量馬一羣一谷紛排擠

凡馬羣所

止繚垣一方謂之圖圖讀如關戀古無此字一舍必三駢

有數處以馬非一貫所以別之其舍卽所謂橋也

又馭維牝牡九良五鴛兼黃驪健兒入羣馬驚突繩竿掣

首施鞵羈左騰右逸額爾敏

蒙古謂未施鞍勒者謂額爾敏

一墮不愁成

肉糜紛紛駉僧牽人衣

手指白黑呼與騎獸者

鳳臆鳴麟

警步者發電奔踰輝千金百緡值不一一顧再顧十倍奇

安能夠距得其實以手作口讒可疑氏郎鬻券樂奇羨連

尾不足書成嘻世無薛公與非子筋肉不識由人欺

相馬法望

之大就之小筋馬也望之小就之大肉馬也烏孫突厥有誰致致亦不過駑與

疲有唐八坊七十萬張公能事唯蕃滋繩鈎直曲豈能識

但取立仗何愁稀箭雲歎玉困轅下老烏啄瘡血淋漓鞭

箠刻烙廝養虐速死不得徒獻歎我雖相馬勝董子不明

此中誰駛驪荒山嵯嶻愁雞栖只求款段尋幽宜垂鞭鞞

鞞穿花堤幸免折髀卽庶幾自朝至昃所見非十駕九蹶

無高低殷勤翦刷是何意帝閑方此徵雄姿神奴卻笑王

湛癡

趙神奴唐馬牙人見集異記

我癡已矣將安之空將天馬歌西北

不誦田家秧馬詩

豐鎮閱馬數千無可予意將入拒牆口道旁得一老
馬肆兀低小價廉而技絕良詩以誌喜

平沙久伴雁羣寒鬣尾蕭梢雪不乾翻羨無人來顧汝不
將六印算成官

蘭筋竹耳步還工知我無如果下驄猿臂雖成無用物不
甘折卻換三公

朝抵助馬堡贈慶將軍

麟

疏林殘月見懸旌古壘陰森劍氣橫驛路烟雲飛騎集軍
門鼓角玉關明年豐自足廉頗飯邊靜猶資道濟城帳下
熊罷閒底用爲君悉把戰場耕

營田甚廣

石窟寺 并記

寺在大同城西三十里左雲界之武周山今名雲岡鑿巖爲窟窟中石佛無算二閣相並依巖結構各五重高數十丈東窟中一大石佛高與閣等西窟中一石塔面而皆刻如來其東復得數小窟亦俱有像志稱元魏高宗時僧曇曜請鑿石壁開窟五所兼立佛像高者七十尺次者六十尺雕飾奇偉冠於一世顯祖高祖屢幸焉又云寺建始神瑞終正光歷百年而工竣寺凡十曰同升靈光鎮國護國崇福童子能仁華嚴九天兜率是建寺之始二說互異按史稱崔浩勸世祖盡誅天下沙門毀

諸經像塔廟在魏境者無復孑遺又興安元年高
宗復建浮圖聽民出家於是赫之所毀率皆修復
蓋自高宗而後歷世增建不惟曇曜之所爲也

我聞維摩石室十笏方妙臺慧殿中安藏又聞西極化人

長丈六宅宇隨心名極樂

佛書衣食
宅宇隨意化成

須彌芥子本無

二千萬億身同一肉武周石窟奇堪嗟鑿山穿壁成無遮
金仙多過恆河沙微者渺一粟紺馬火龍蓬與麻大者吁
可駭玉毫拔落猶專車但見跏趺雙足在山麓不知未挽
螺髻穿烟霞中間阿育塔四面優曇花高低石窟不知數
欲與震旦成毗耶從來只說本無物誰乎爲此何其奢嗚
呼佛狸毀佛真英哲崇尚虛無則無別曇標法秀遂紛紛

曇標高宗時僧法秀顯
宗時僧先後以謀反誅
後世難嫌孫子孽旋臺傑閣天相

通翠華想像留芳蹤武周十寺九灰劫竿木可嘆荼毘空

鵲巢佛頂相生肘金輪玉鏡餘榛叢村娃牧豎每拾得珊

瑚珠火琉璃筒大智論佛口色如珊瑚瓔珞經佛眉象珠火三昧經佛咽喉如琉璃筒可憐

采椽土級崇光宮照祖不辭祇園十萬黃金銅鑄像高四十三尺用

銅十萬斤黃閣黎飽死得封戶曇曜請置僧祇戶納粟於僧又請罪人官奴爲佛圖

戶供諸百僚三金誰人共百官延平熙昌更無已朝廷日

夜攬清鐘一州一塔人一刹萬四千寺排如蜂其時石窟

豈惟此伊闕又比龍門雄縮廬百丈勝列闕不用明堂同

辟雍世宗嘗名宦者白整爲高祖高后鑿二佛於龍山皆高百尺劉騰復爲世宗鑿一龕凡用十八萬二千餘

工而未成胡太后作永甯寺於宮側又作石窟寺於伊闕

口爲九層浮圖高九十丈剝高十丈又營明堂辟雍後者

每借以修寺十餘年竟不能成嗚呼魏家數世主有道朝士無人繼崔浩洛陽佛淚奈何流自是銜恩媿莫酬孝昌三年二月洛陽平等寺佛兩目垂淚偏體俱溼如此者三日明年爾朱榮入洛誅戮百官殆盡君不見南朝同泰千佛子坐看臺城人餓死

李陵臺

落葉滿龍堆金貂送酒盃高歌出塞曲獨立望鄉臺都尉空思漢單于亦愛才龍門何憤怨不朽藉君來

曉發長安村

大同城東四十里近桑乾河

河聲喧靜夜山氣冷荒村未雁先愁雪將雞半啟門衾囊收遠夢燭焰熟殘尊一發追風足平沙不見痕

與赤簫及綬名游懸空寺

征途十日千山裏黃驢怯山見城喜入城忽得游山朋復
此登臨興無已平明入峽水接鞭天梯石棧迴烟巒何年
飛閣挂絕壁都盧蹴躡防崩顛頑兒見奇意先造釋子入
容心無閒自明至幽下至巔甚疑斤斧岑山仙列仙傳鹿
皮公少爲
府小吏木工岑山上有神泉人不能至作轉
輪懸閣意思橫生上其巔作祠舍甃止其旁白雲冰淨不
忍唾雲底澗澗流清泉朱光千歲不到地碧氣一縷纔通
天元都憇遊條三度風塵未了題詩緣靈山奇構仙窟宅
竟失名字無人傳元空古字逼霄漢見者絕少書徒然愚
寺名失傳懸空俗稱也寺外峭壁有玄空閣
三字不辨年代姓名恐亦後人卽音改字耳恆宗自古曲
陽祀世人幾不知渾源名山有時名亦死閭巷之人何悲
歡題名巖壁山鬼粲馬上回頭已不見平生外物慕真隱

有跡猶嫌存紀傳

南史袁淑撰真隱傳錄古來隱士有跡無名者若干人

燕雀安知

鴻鵠高長松自與蓬蒿羨柰何世械終羈縻枯楊馬疥快

亦稀

東坡與胡祠部遊法華山詩忽逢佳士與名山何異枯楊便馬疥

何日懸厓輕撒手

空天野馬任高飛

恆嶽

一笑凌虛虎豹藏蓬壺別業漢金湯直從俯仰收夷夏自
擁烟霞接帝王松栢春秋元鶴識神仙居處白雲忘探奇
腰腳從來健鴉嘴空憐芝草荒

夜行白翔風嶺至塔圪枝

硬雨晚來晴西風席帽輕長松兼嶽色征馬帶泉聲此地
豺狼窟空山參斗橫不宜輕射石千載路人驚

楊堦畫李仙置拄杖樓蒲團寓興彌遠戲索題之

神仙傳李八百蜀人也莫知其名歷世見之時人計其年八百歲因以號之或隱山林或出市廛相傳能拄拐日八百里山堂肆考仙名孔目有足疾西王母點化昇仙封東華教主授以鐵拐潛確類書仙諱元中開元大歷間人也於終南山學道四十年陽神出舍爲虎所殘得一跛丐亡者而居之又云鐵拐姓李質本魁梧早歲聞道修真巖穴一日將赴老君華山之約囑其徒曰有魄在此倘遊魂七日不返若可化吾魄也徒以母疾遲歸六日化之至七日果歸失魄無依乃附一餓孳之尸而起故形跛惡按諸說卽世所謂入仙之一所傳互異無可深考

虬髯鵝眼飄青巾鹿皮老人能識君閒遊日日八百里覺

坐一叩陳搏門

陳搏傳有一人青巾短褐叩陳希夷門未報倏去追之見老人衣鹿皮曰此神仙李

八百也動手攜黑蛇有何癖

東坡鐵拄杖詩柳公手中黑蛇滑

游仙豈藉

扶持力年深恐似兩錢錐不及王喬一雙舄君今放下真

安閒我爲君歌行路難蓬壺亦崎嶇滄海多風濤人閒更
無伸腳地莫疑腳短藏蒲團蒲團可行亦可住只怕隨身
多一具公房拔宅亦偶然長物終知無用處不如擲杖投
蒲團空山一臥三千年不然御風儵忽周六合何爲紅塵
子子喘息松林間李八百起起一飽資君八百里

王愷家牛

名八百里王濟食之見濟傳

吾齋去作烟蘿子

答孫雲溪

慰曾

秀才

君大父刺渾源予始識之今還玉田

君病偏枯我耳聾都應詩似杜陵工

杜清明詩右臂偏枯左耳聾來書近得臂

疾而予方苦耳聾

競傳陌上清明句無那陽春屬和窮

寄示春柳詩有陌上

清明雙燕影江邊風日一漁竿句

別後遊情期海鶴秋來歸客羨冥鴻

求領海上舟師原期秋風起時

何時元嶽千尋瀑卷起孫登

一嘯風

赤簫將歸江南

三年羌笛各悲聞飛騎詩來動一軍

往來詩簡每由驛使

忽見眉黃

歸日盡江南何處再逢君

刈黍一斗

舍東五畝蓬茅圃去年種穀今年黍去年刈穀兩斛餘今年刈黍只供鼠刈多刈少殊歡愁人情人勤底風雨呼童洗甕舁糟牀淙淙屋角泉聲長夜來清夢向秋菊明月半籬含酒香不知禁得幾回醉鷓鴣姑免朝來貴學士非關佳醞畱步兵且博卑官利嗟予少小未食力老大徒慙太倉粒牆陰亦有數畦蔬懶廢惟餘三九碧

韭名懶人菜以其不須歲種也

幸有三男今長成讀書但讀耒耜經鋤犁便重勝戈戟巾
褐雖飢暖絨纓山妻笑我空奢望爾田不識東西向孟光
還是賃春傭人世浮雲飽卽休若待有田始解組只怕白
頭貪斗黍

寄壁山明府

胸中三峽注夢裏百蠻迎幾歲鶴鴿感一生山水情愁看
紅躑躅愛酌綠昌明早晚終相就浮雲似我輕

酬王徵君索畫

喜把瑤槭對菊開開槭不異共徘徊胸中邱壑從探去筆
底珠璣賺贈來靜夜烏啼羌笛夢夕陽人散草堂杯蕭寥
最是思君處肯信霜花滿鬢催

憶馬

自笑官閒驚馬頻

先後共驚四馬矣

空庭草色動愁新尋幽略識

追風力伏櫪偏隨拊髀人
漸恐楊枝還厭老只餘筇竹不
愁貧
珊瑚鞭索把漁竿換一任劉琨奪軟塵

日佳臺東胡二

十載樓煩塞風吹血淚乾
憑詩催馬角有夢見雞竿
共道還鄉樂那知行路難
綈袍是何物且莫贈君寒
壯士輕鄉土詩人愛酒杯
勸君休灑淚伴我此登臺
殘菊畱秋在青山喜客來
已拚雙鬢雪細把鉢聲催

亭晚

太白吾鄰里柴門隔一汀
白雲歸不盡一半宿松亭

亭曉

太白生秋雪開門失舊青
千山吹落葉一夜積空亭

十月二十三日紀夢兼示三子

細雨溼荆扉犬吠歸客至
入門見慈母方曉梳青髻
見兒動喜色諦視憐顛顛
弱妹立牀頭問兒別來事
阿母聽歛歎亦述家常細
兒持阿母衣爲母當窗衣
別母不多時消瘦驚何易
輕持阿母臂貼面生悲涕
涕流不敢仰但恐傷母意
那知阿母憐襟上先沾淚
淚橫不能顧失聲遂相背
相背復相呼頻呼母何在
嗚呼我慈母棄兒今九歲
兒生無見期所見惟夢寐
夢中悲小別豈識終天大
可憐親在時日長不知愛
及今回首念何事不生悔
爾曹幸侍親莫

特親長對不見髮邊絲白後緇難再

清猿叫落中巖月野客吟殘半夜燈此境此時誰得
意白雲深處坐禪僧中峰禪師句也予有不寐之
疾往往誦此數過則心靜而寐亦嘗謂不愁念起
只怕覺遲二句十一月初七夜半酒醒起坐咬一
梨無寐至旦誦亦無驗

寒蟾已下習池西枕畔閒消大谷梨歸夢今宵行未到途
長枉恨夜烏啼

不愁念起覺嫌遲老大偏多過去思安得名心如火滅一
身理障爲耽詩

壯心別恨萬千生放下何妨未免情便向蒲團消髀肉誰

貽慧劍破愁城

羅浮萬年藤杖歌壽王千波徵君六十生日

羅浮老人

峯名

南極精祝融地主畱居停端居老懶畏行動

遺卻萬歲胡孫藤黃仙盜出葛翁奪風雨鐵橋鏗不滑石

樓每赴麻姑筵

石樓麻姑皆山名

蝴蝶飛來不知疾梅花期我朱

明洞半月遊仙恍如夢月明花落忽思歸白鶴偷騎只嫌

重羣仙拍手葛翁憐送君歸去良非難手把蒼藤教我跨

隨風儵下千重山歸來笑向蒼藤拜同舍傳看訝珍怪卻

愁變化復飛回不敢尋常倚門外前年伴我過南嶽洞庭

神君出水攫今年從我入元都通元老仙又相索

恆山有通元谷

因張果得名

從來罕物遭忌嫉自信凡夫生福薄封題遠寄王

徵君長物平生堪笑嚔徵君好作名山遊一生詩句雲烟

搜生逢三鬢得仙日

丹陽眞君馬鈺於二月十二日成道得仙見道書

六十趨健

如猿猴豈貪躑躅添一足翻恐提攜憎贅疣爲言徵君且

好畱葛陂切莫輕拋投二千年後試攜取老聃與爾談瀛

洲

拾遺記老聃居反景日室之山唯有黃髮老叟五人手握青筠之杖與談天地之數

用舍行藏任

君便百錢高挂青帘見不比東坡寄樂全更論捷徑誰爭

先捷徑爭先御累人東坡

以鐵拄杖壽張安道句憑詩載頌將離腸不能執末來

君旁漫嫌樸直少雕飾世上紛紛漆失方君不見孔光靈

壽成何物把向龍樓腰膝折逍遙惟有赤城翁玉面方瞳

至今活

王烈授赤城老人九節蒼藤杖馬奔不及

比隣有樵子

比隣有樵子腰鎌三十年云從萬里外樵過千山巔聞此
山最多不知但雲烟樵家有八口衣食視一肩不疲故多
力豺虎同周旋南山豈無人北山亦有田朝樵已赤土暮
樵祇流泉斷蓬木無株荒草不復延歲寒况冰雪毋乃悲
屯邈野人初見樵巾屨行翩翩心疑朱會稽百年或疑焦孝
然熟知此樵異少年得貂蟬齊書江淹年十三探薪養母曾于樵所得貂蟬一具常
期建溪上行見山流錢徐鉉稽神錄建安有村人往來建溪探薪爲業山上忽有數錢流下
尋至山半有大囊錢滿其中囊少破故流出先取五百餘錢以歸再往而忘其所得錢自不易積
薪亦可憐憐君不知夢鹿覆惟思堅斧柯有時爛安在逢
神仙亦聞披裘翁不顧路旁捐荒山更何有斤斧且安全

答友人論畫

老雨胸中畫一幅南海以南北嶽北平生嗜畫故耽游鬚

髻將無筆頭黑三晉雲山落吾手盤礴惟酣王黑酒西園

死後竟無人山右盡無畫家故人耳鑿徒多寒具友友中

馬秋盛甫最稱神並有屠琴塢朱野華厓孟堂陳綠晴十年

一別半生死硯前不見西山春皆都門揚州張鏐老奚鐵

舉蕉麓替雲間復園徐萬何舟李芸契張墨池黃石呂子伯容謝

濃浦嶺南豪楊山戴九金山袁鐵游客最更從方外得三

人釋序初澹菴吏隱中間亦逢回張桂巖高澗生其餘畫

友尙紛紛屈指寰中難悉記羣公大半詩酒星不斷青山

展底青手塗腳躡盡生氣不比俗工徒繪形形神之閒判

今古慧悟從心不能語天機急電失難追玉宰空勞李徒

苦世傳吳道子李思訓皆讀大同殿吳一日而就李紫月方畢君雖讀書少游歷萬卷

安能從筆出到眼雲烟且靜看師人不若能師物金奩玉

軸悉塵腐各有靈臺一方血文章如面不須同同便非吾

萬事一君今學畫先學癡癡是專心別無說虎頭子久工

癡人何事不癡能得絕君癡但取娛情休鞮材齷齪金帶

羞李晞古夏禹玉皆待詔畫院賜金帶不朽休憑數張紙男兒自可致千秋

論畫又示三子

他人學畫須學游爾曹善游畫不出其故惟因讀書懶俗

腸焉得清奇筆閻公戒子語可憐閻立本戒子無學畫悔己以畫名與廝役等

不知此侔造化權自怡豈是媚人具千古高懷隱可傳卽

論事業最無益不有博弈爲猶賢爾曹學畫但師我我是

師誰計先左須知胸次似天空莫看筆頭多磊砢河中最

愧名題麟

馬遠于麟畫不逮父遠愛其子多於己畫上題麟字

甯甘屈作小將軍不

聞子敬固當勝

謝安嘗問子敬卿書何如右軍對曰固當勝

此事何須定肖親

而翁所事空邱壑邛得輞川真作樂爾曹爲我取真來老病何堪尙沙漠

喜左杏莊丈擢湖南方伯卻寄

江南耆病頻凋喪鄰曲無多丈人行文章政事君第一百
里聲聞在天上十年三黜氣愈剛一歲超遷牧伯良方今
聖明膺赤紀任賢擇吏尤精詳楚風習詐已消歇御以
樸誠更甯壹懸知報國此時心仍以安民當日術憶君
宰劇稱神明我時治兵金斗城三楚烽烟正紛起酒酣相

對長思纓周北張南幾寒暖寓公老死同官散

君宰合肥時同官爲

張菊園太守周石沿別駕而孫淵如觀察以修志得相聚焉

爛羊愧我尙無成差喜君

才得鵬展君才豈止作藩屏一方先慰蒼生情會見峒苗

知禮樂不徒風俗勤桑耕阿奴一麾羞碌碌若使操刀愼

無辱

從弟貽麒初試典郡

因君爲我語平安迴雁風高書便復思君

何異憶莼鱸到耳鄉音關塞無鶴鴻比翼知何日南嶽畱

君北嶽吾

塞上閒居偶檢周伯恬

儀暉

孝廉在嶺南時爲予作

劍人緣樂府序

拊髀依然負壯懷唾壺擊缺悵時乖孤忠可有天能鑿一

劍終無地可埋忍把雲烟追往事恐將詩酒畢吾儕紅兒

老矣周郎別身在天涯夢海涯

徐子容

廣緒

州尉秋林讀書圖

堂前一對青松樹黃綬神仙索詩處有時興發一高吟白
鶴回頭不知故桑墟艸屋八九間我家蓉湖相對閒相對
閒秋風歇致君堯舜須讀律東坡此語肝腸裂

前寄杏莊詩未去而已遷中丞再題

愛爾遷官似作詩一船下水疾無遲官聲已似詩名好再
看從頭下筆時

琴隱園詩集卷十二終